



卯四

北史四

世宗宣武皇帝諱恪孝文皇帝第二子也母曰高夫人初
夢為日所逐避於牀下日化為龍繞已數匝寤而驚悸遂
有娠太和七年閏四月生帝於平城宮二十一年正月景
申立為皇太子二十三年四月景午孝文帝崩丁巳太子
即皇帝位諒闇委政宰輔五月高麗國遣使朝貢六月乙
卯分遣侍臣巡行州郡問人疾苦考察并令黜陟幽明褒
禮名賢戊辰追尊皇妣曰文昭皇后秋八月戊申遵遺詔
孝文皇帝三夫人已下悉免歸家癸丑增宮臣位一級冬
十月癸未鄧至國王象舒彭來朝景戌謁長陵丁酉享太

廟十一月幽州人王惠定聚衆反自稱明法皇帝刺史李肅捕斬之是歲州鎮十八水饑分遣使者開倉振恤

景明元年春正月辛丑朔日有蝕之壬寅謁長陵乙巳大赦改元丁未齊豫州刺史裴叔業以壽春內屬二月戊戌復以彭城王勰為司徒齊將胡松李居士軍屯宛陳伯之水軍逼壽春夏四月景申司徒彭城王勰車騎將軍肅肅大破之己亥皇弟悅薨五月甲寅北鎮饑遣兼侍中楊播廵撫振恤六月景子以司徒彭城王勰為大司馬秋七月己亥朔日有蝕之齊將陳伯之寇淮南八月乙酉彭城王勰破伯之於肥口九月齊州人柳世明聚衆反冬十月丁

卯朔謁長陵庚寅齊克二州討世明平之丁亥改授彭城王勰司徒錄尚書事十一月丁巳陽平王順薨是歲州鎮十七大饑分遣使者開倉振恤高麗吐谷渾等國並遣使朝貢

二年春正月景申朔謁長陵庚戌帝始親政遵遺詔聽司徒彭城王勰以老歸第進太尉咸陽王禧位太保以司空北海王詳為太將軍錄尚書事丁巳引見羣臣於太極前殿告以覽政之意壬戌以太保咸陽王禧領太尉以大將軍廣陵王羽為司空分遣大使黜陟幽明二月庚午進宿衛之官位一級甲戌大赦三月乙卯朔詔以比年連有軍

旅正調之外皆蠲罷壬戌青齊徐兗四州大饑人死者萬餘口是月齊雍州刺史蕭衍奉其南康王寶融爲主東赴建鄴夏五月壬子廣陵王羽薨壬戌太保咸陽王禧謀反賜死六月丁亥考諸州刺史加以黜陟秋七月癸巳朔日有蝕之乙巳蠕蠕犯塞三日大赦九月丁酉發畿內夫五萬五千人築京師三百二十坊四旬罷乙亥立皇后于氏乙卯免壽春營戶並隸揚州冬十一月景申以驃騎大將軍穆亮爲司空丁酉以大將軍北海王詳爲大傅領司徒壬寅改築圓丘於伊水之陽乙卯仍有事焉十二月齊直後張齊殺其主蕭寶融卷以降蕭衍是歲高麗吐谷渾等國並遣使朝貢

三年春二月戊寅以旱故詔州郡掩骸骨三月齊建安王寶黃來奔夏四月詔撫軍將軍李崇討魯陽反蠻齊主蕭寶融遜位於梁閏四月丁巳司空穆亮薨秋七月丁巳朔日有蝕之八月丁卯以前太傅平陽公元丕爲二老九月丁巳行幸鄴丁卯詔使者弔比干墓戊寅閱武於鄴南冬十月庚子帝躬御弧矢射遠及一里五十步羣臣勒銘於射所甲辰車駕還宮十二月壬寅以太極前殿初成饗羣臣賜布帛有差是歲河州大饑死者二千餘口西域二十七國並遣使朝貢

四年春正月乙亥親耕籍田二月己巳皇后先蠶於北郊
四月癸未朔以簫寶黃金爲東揚州刺史封丹楊郡公齊王
庚寅南天竺國獻辟支佛牙戊戌爲旱故命鞠寬獄己亥
減膳徹懸辛丑澍雨大洽五月甲戌行梁州事楊椿大破
反氐六月壬午朔封皇弟悅爲汝南王秋七月乙卯三老
平陽公元丕薨庚午詔復收鹽池利辛未以彭城王勰爲
太師八月勿吉國貢楛矢冬十一月己未封武興國世子
楊紹先爲武興王

正始元年春正月景靈大赦改元夏五月丁未朔太傅北
海王詳以罪廢爲庶人六月以旱故徹樂減膳癸巳詔有
司脩案舊典祇行六事甲午帝以旱故親薦享於太廟
戊詔立周旦夷齊廟於首陽山庚子以旱故公卿以下引
咎責躬又錄京師見囚殊死以下皆減一等鞭杖之坐悉
原之秋七月景子假鎮南將軍李崇大破諸蠻八月景子
假鎮南將軍元英破梁將馬仙琕於義陽詔洛陽令有大
事聽面敷奏乙酉元英拔義陽辛卯英又大破梁軍仍
清三關丁酉封英爲中山王九月詔諸州蠲停徭役不得
橫有徵發蠕蠕犯塞詔左僕射源懷討之冬十月乙未詔
斷羣臣白木募吏十一月戊午詔有司依漢魏舊章營繕
國學十二月景子以苑牧公田分賜代遷戶己卯詔羣臣

議定律令閏月癸卯朔行梁州事夏侯道遷據漢中來降
乙丑以高陽王雍為司空是歲高麗遣使來朝貢

二年春正月景子封宕昌世子梁彌博為宕昌王二月梁
州氏蜀反絕漢中運路州刺史邢巒頻大破之夏四月己
未城陽王鸞薨乙丑詔曰中正所銓但為門第吏部彝倫
仍不才舉人坐可審議往代擢賢之體必令才學並申資
望兼致邢巒遣統軍王足西伐頻破梁諸軍遂入劔閣秋
七月戊子王足擊破梁軍因逼涪城八月壬寅詔中山王
英南討襄沔冬十一月戊辰朔武興王楊紹先叔父集起
謀反詔元祿大夫楊椿討之王足圍涪城益州諸郡咸降

者十二送編籍者五萬餘戶既而足引軍退是歲登至

國遣使朝貢

三年春正月丁卯朔皇子昌生大赦士申梁秦二州刺史

邢巒連破氏賊剋武興秦州人王智等聚眾自號王公尋

推秦州主簿呂苟兒為主年號建明己卯楊集起兄弟相

率降二月景辰詔求讜言戊午詔右衛將軍元麗等討呂

苟兒三月己巳以戎旅興詔停諸作己卯樂良王長命坐

殺人賜死庚寅平南將軍曲江縣公陳伯之自梁城南奔

夏四月丁未詔罷鹽池禁五月景寅詔以時澤未降春稼

已旱或有孤老餓疾無人贍救因以致死暴露溝塹者令

洛陽部尉依法棺埋秋七月庚辰元麗大破秦賊降呂苟
亮及其王公三十餘人秦涇二州平戊子中山王英大破
梁徐州刺史王伯敷於陰陵己丑詔發定襄瀛相并肆六
州卒十萬以濟南軍八月壬寅安東將軍邢巒破梁將桓
和於孤山諸將所在剋捷兗州平壬戌曲赦涇秦歧涼河
五州九月癸酉邢巒大破梁軍於淮南遂攻鍾離冬十一
月甲子帝為京兆王愉清河王懌廣平王懷汝南王悅講
孝經於式乾殿是歲高麗蠕蠕國並遣使朝貢

四年夏四月戊戌鍾離大水中山王英敗績而還六月己
丑朔詔有司準前式置國子太學樹小學於四門秋八

月己亥中山王英齊王蕭寶夤生鍾離敗除名辛丑
人饑詔開倉振恤九月己未詔以徙正宮極庸績未酬
司空高陽王雍為太尉尚書令廣陽王嘉為司空百官
進位一級庚申夏州長史曹明謀反伏誅甲子開斜
道景戌司州人饑詔開倉振恤閏月甲午禁大司馬門
得車馬出入冬十月丁卯皇后于氏崩自碣石至於劍
東西七千里置二十一郡尉是歲西戎東夷四十餘國
遣使朝貢

永平元年春三月戊子皇太后昌薨景午以去年旱儉
者所在振恤夏五月辛卯帝以旱故減膳撤懸六月辛

詔依洛陽舊圖脩聽訟觀秋七月甲午立夫人高氏為
后八月壬子朔日有蝕之癸亥冀州刺史京兆王愉據
反丁卯大赦改元九月景成復前中山王爽本封成成
太師彭城王勰癸卯假鎮北將軍李平刺信都冀州平
十月豫州彭城人白早生殺刺史司馬城叛十一
月己未尚書邢巒剋懸瓠斬早生禽梁將齊苗兗等是歲
北狄東夷西域十八國並遣使朝貢高昌國王麴嘉表求
內徙

一年春正月涇州沙門劉慧汪聚眾反詔

生討之夏四月己酉武川鎮饑詔開

州鎮自今一不聽寇盜境外犯者罪同境內五月辛丑帝
以旱故減膳徹懸禁斷屠殺甲辰幸華林都亭錄囚徒死
罪以下降一等六月辛亥詔曰江海方同車書宜一諸州
軌轍南北不等今可申救四方遠近無二秋八月景午朔
日有蝕之戊申以鄧至國世子像覽歸為其國王九月辛
巳封故北海王子顥為北海王壬午詔定諸門闥名冬十
月癸丑以司空廣陽王嘉為司徒庚午郢州獻七寶牀詔
不納冬十月甲申詔禁屠殺含孕以為永制己丑帝於武
乾殿為諸僧朝臣講維摩詰經十二月詔五等諸侯其同
姓者出身公正六下侯從六上伯從六下子正七上男正

七下異族出身公從七上侯從七下伯正八上子正八下
男從八上清脩出身公從八下侯正九上伯正九下子從
九上男從九下是歲西域東夷二十四國竝遣使朝貢
三年春二月壬子秦州沙門劉光秀謀反州郡捕斬之癸
亥秦州隴西羗殺鎮將趙雋反州軍討平之三月景成皇
子詡生大赦夏四月平陽郡之禽昌襄陵二縣大疫自正
月至此月死者二千七百三十人五月丁亥異定一州旱
儉詔開倉振恤六月甲寅詔重求遺書於天下冬十月辛
卯中山王英薨景申詔太常立館使京畿內外疾病之徒
咸令居處嚴敕醫署分師救療考其能否而行賞罰又令
方司集諸醫撰惟簡精要三十卷以班九服十二月辛
巳江陽王繼坐車除名甲申詔於青州立孝文皇帝廟殿
中侍御史王敞謀反伏誅是歲西域東夷北狄十六國竝
遣使朝貢

四年春正月丁巳汾州劉龍駒聚衆反詔諫議大夫薛和
討之二月壬午青齊徐兗四州人饑甚遣使振恤三月壬
戌司徒廣陽王嘉薨夏四月梁遣其鎮北將軍張穆及馬
仙理寇胸山詔徐州刺史盧昶率衆赴之五月己亥遷代
京銅龍置天泉池西景辰詔禁天文學冬十一月胸山城
陷盧昶大敗而還十一月壬戌朔日有蝕之是歲西域東

夷北狄二十九國並遣使朝貢

延昌元年春正月乙巳以頻年水旱百姓饑弊分遣使者
開倉振恤景辰以尚書令高肇為司徒清河王懌為司空
三月甲午州郡十一大水詔開倉振恤以京師穀貴出倉
粟八十萬石以振恤貧者己未安樂王詮薨夏四月詔以
旱故斷食粟之畜丁卯詔曰遷京嵩縣年將二紀博士端
然虛祿靖言念之有兼愧慨可嚴敕有司國子學孟冬使
或太學四門明年暮春令就戎辰以旱故詔尚書與羣司
勘理獄訟辛未詔饑人就穀六鎮丁丑帝以旱故減膳撤
懸癸未詔曰肆州地震地裂死傷甚多亡者不可復追生

病宜加療救可遣太醫折傷醫并給所須藥就療乙酉大
赦改元詔立理訐殿申訟車以盡冤窮之理五月景午詔
天下有粟之家供年之外悉貸饑人自二月不雨至於是
月己未晦日有蝕之六月壬申澍雨大洽戊寅通河南牝
馬之禁庚辰詔出太倉粟五十萬石以振京師及州郡饑
人冬十月乙亥立皇子詡為皇太子十一月景申詔以東
宮建賜天下為父後者爵一級孝子順孫廉夫節婦旌表
門閭量給粟帛十一月己巳詔守宰為御史彈赦免者及
考在中第皆代之是歲西域東夷十國並遣使朝貢
二年春正月戊戌帝御申訟車親理冤訟一月景辰朔振

恤京師貧人甲戌以六鎮大饑開倉拯贍己卯進太尉高陽王雍位太保閏月辛丑以苑牧地賜代遷人無田者是春人饑死者數萬己亥四月庚子以絹十五萬足振河南郡人五月甲寅朔日有蝕之是月壽春人水遣平東將軍奚康生等步騎數千赴之六月乙酉青州人饑詔使者開倉振恤甲午曲赦揚州辛亥帝御申訟軍親理寃訟是夏十二郡大水秋八月辛卯詔以水旱饑儉百姓多陷罪辜降死以下刑九月景辰以貴族豪門宗習奢侈詔尚書嚴立限級節其流宥冬十月詔以恒肆地震人多死傷重而一年租賦十二月景戌丙洛陽河陰一縣租賦乙巳詔以

恒肆地震人多離災其有課丁沒盡老幼單立家無受復者各賜廩粟以接來稔是歲東夷西域十餘國並遣使朝貢

三年春二月乙未詔曰肆州秀容郡敷城縣鴈門郡原平縣竝自去年四月以來山鳴地震于今不已告譴彰朕甚懼焉可恤癘實刑以答眾災謹夏四月青州人饑辛巳開倉振恤乙巳上御申訟軍親理寃訟秋八月甲申帝臨朝堂考百司而加黜陟冬十一月辛亥詔司徒高肇為大將軍平蜀大都督步騎十五萬西伐益州丁巳幽州沙門劉僧紹聚眾反自號淨居國明法王州郡捕斬之十二月庚

寅詔立明堂是歲東夷西域八國並遣使朝貢

四年春正月甲寅帝不豫丁巳崩于武乾殿時年三十三
二月甲戌朔上尊謚曰宣武皇帝廟號世宗甲午葬景陵
帝幼有大度喜怒不形於色雅性儉素初孝文欲觀諸子
志尚大陳寶物任其所取京兆王愉等皆競取珍玩帝唯
取骨如意而已孝文大奇之及庶人恂失德孝文謂彭城
王勰曰吾固疑此兒有非常志相令果然矣乃見立為儲
貳雅愛經史尤長釋氏之義每至講論連夜忘疲善風儀
美容貌臨朝深嘿端嚴若神有人君之量矣

肅宗孝明皇帝諱詡宣武皇帝之第二子也母曰胡充華

永平三年三月景戌生於宣光殿之東北有光照於庭中
延昌元年十月乙亥立為皇太子四年正月丁巳宣武帝
崩是夜太子即皇帝位戊午大赦己未徵下西討東防諸
軍庚申詔太保高陽王雍入居西柏堂決庶政以任城王
澄為尚書令百官摠已以聽二王二月庚辰尊皇后高氏
為皇太后辛巳司徒高肇至京師以罪賜死癸未進太保
高陽王雍位太傅領太尉以司空清河王懌為司徒以驃
騎大將軍廣平王懷為司空乙亥尊胡充華為皇太妃三
月甲辰朔皇太后出俗為尼徙御金墉城景辰詔進宮臣
位一級乙丑進文武羣官位一級夏六月沙門法慶聚衆

反於冀州殺阜城令自稱大乘秋八月乙亥領軍于忠矯
詔殺左僕射郭祚尚書裴植免太傅高陽王雍官以王還
第景子尊皇太妃為皇太后戊子帝朝太后於宣光殿大
赦己丑進司徒清河王懌為太傅領太尉以司空廣平王
懷為太保領司徒任城王澄為司空庚寅以車騎大將軍
于忠為尚書令特進崔光為車騎大將軍並儀同三司壬
辰復江陽王繼本國復濟南王或先封為臨淮王羣臣奏
請皇太后臨朝稱制九月乙巳皇太后親覽萬機甲寅征
西大將軍元遙破斬法慶傳首京師安定王燮薨冬十二
月辛丑以高陽王雍為太師己酉鎮南將軍崔亮破梁將
趙祖悅軍遂圍破石丁卯帝皇太后謁景陵是歲東夷西
域北狄十八國並遣使朝貢

熙平元年春正月戊辰朔大赦改元荆沔都督元志大破
梁軍以吏部尚書李平為行臺節度討破石諸軍二月乙
巳鎮東將軍蕭寶夤大破梁將於淮北癸亥初聽秀才對
策第中上巳上叙之乙丑鎮南崔亮鎮軍李平等剋破石
斬趙祖悅傳首京師盡俘其衆三月戊辰朔日有蝕之夏
四月戊戌以瀛州人饑開倉振恤五月丁卯朔以災旱命
釐察獄訟權傳作役庚午詔放華林野獸於山澤秋七月
庚午重申殺牛禁八月景午詔古帝諸陵四面各五十步

勿聽耕稼九月丁丑淮堰破梁緣淮城戍村落十餘萬口
皆漂入海是歲吐谷渾宕昌鄧至高昌陰平等國並遣使
朝貢

二年春正月大棄餘賊復相聚攻瀛州刺史宇文福討平
之甲戌大赦庚寅詔遣大使巡行四方問疾苦恤孤寡黜
陟幽明二月丁未封御史中尉元匡為東平王三月丁亥
太保領司徒廣平王懷薨夏四月丁酉詔京尹所統年高
者板賜郡又有差戍申以開府儀同三司胡國珍為司徒
乙卯皇太后幸伊闕石窟寺即日還宮改封安定王超為
北平王五月庚辰重申天文禁犯者以大辟論秋七月乙

亥儀同三司汝南王悅坐殺人免官以王還第己巳享太
廟八月戊戌宴道武以來宗室年十五以上於顯陽殿申
家人禮己亥詔庶族子弟年未十五不聽入仕庚子詔咸
陽京兆二王子女還附屬籍丁未詔太師高陽王雍入居
門下參決尚書奏事冬十月以幽冀滄瀛光五州饑遣使
巡撫開倉振恤是歲東夷西域氐羗等十國並遣使朝
貢

神龜元年春正月甲子詔以氏酉楊定為陰平王壬申詔
給京畿及諸州老人板郡縣各有差及賜鰥寡孤獨粟帛
庚辰詔以雜役戶或冒入清流所在職人皆令五人相保

無人任保者奪官還役乙酉秦州羌及幽州大飢死者三千七百九十人詔刺史開倉振恤二月己酉詔以神龜表瑞大赦改元東益州兵反三月南秦州兵反夏四月丁酉司徒胡國珍薨甲辰改封江陽王繼為京兆王六月自正月不雨是月辛卯澍雨乃降秋七月河州人却鐵忽聚眾反自稱水池王閏月甲辰開恒州銀山禁八月癸丑朔詔京師見囚殊死以下悉減一等甲子却鐵忽詣行臺源子恭降九月戊申皇太后高氏崩于瑤光寺冬十月丁卯以尼禮葬高太后於芒山十二月辛未詔曰人生有終下歸兆域京邑隱振口盈億萬貴賤攸憑未有定所今制乾脯

貢
山以西擬為九原是歲東夷西域北狄十一國並遣使朝

二年春正月辛巳朔日有蝕之丁亥詔曰皇太后撫挹
居稱號弗備宜遵舊典細詔字內以副黎蒸元元之望是
月改葬文昭皇太后高氏二月乙丑齊郡王祐薨庚午羽
林千餘人焚征西將軍張彞第毆傷彞燒殺其子均乙亥
大赦丁丑詔求直言壬寅詔以旱故命依舊嘗祈察理寬
獄掩骼埋骸振窮恤寡三月甲辰澍雨大洽夏五月戊戌
以司空任城王澄為司徒京兆王繼為司空秋八月乙未
御史中丞東平王匡坐事削除官爵九月庚寅皇太后幸

嵩高山癸巳還宮冬十二月癸丑司徒任城王澄薨庚申
大赦詔除淫祀焚諸雜神是歲吐谷渾宕昌嚙噠等國並
遣使朝貢

正光元年春正月乙亥朔日有蝕之夏四月景長詔尚書
長孫承業巡撫北蕃觀察風俗五月辛巳以炎旱故詔八
坐鞠見囚申枉濫秋七月景子侍中元叉甲常侍劉騰奉
帝幸前殿矯皇太后詔歸政遜位乃幽皇太后北宮殺太
傅清河王懌摠勒禁旅決事殿中辛卯帝加元服大赦改
元內外百官進位一等八月甲寅相州刺史中山王熙舉
兵欲誅騰不果自殺九月壬辰蠕蠕主阿那瓌來奔戊戌
以太師高陽王雍為丞相冬十月乙卯以儀同三司汝南
王悅為太尉十一月己亥封阿那瓌為朔方郡公蠕蠕王
十二月壬子詔送蠕蠕王阿那瓌歸北辛酉以司空京兆
王繼為司徒

二年春正月南秦州反二月車駕幸國子學講孝經三
月庚午幸國子學祠孔子以顏回配甲午右衛將軍奚康
生於禁中將殺元叉不果為叉所害以儀同三司劉騰為
司空夏四月庚子進司徒京兆王繼位太保壬寅以儀同
三司崔光為司徒五月丁酉朔日有蝕之秋七月己丑以
旱故詔有司脩案舊典祗行六事八月己巳蠕蠕後主郁

夕問侯匿伐來奔懷朔鎮十二月甲戌詔司徒崔光安豐
王延明等議定服章庚辰以東益南秦州區反詔河間王
琛討之失利是歲焉耆居密波斯高昌勿吉伏羅高車等
國竝遣使朝貢

三年春正月辛亥耕藉田夏四月庚辰以高車國主覆羅
伊訶為鎮西將軍西海郡公高車國王五月壬辰朔日有
蝕之六月己巳以旱故詔分遣有司馳祈岳瀆及諸山川
百神能興雲雨者命理冤獄止土功減膳徹懸禁止屠殺
冬十一月己丑朔日有蝕之乙巳祀圓丘景午詔班曆大
赦十二月癸酉以太保京兆王繼為太傅司徒崔光為太

保是歲波斯不溪龜茲吐谷渾竝遣使朝貢

四年春二月壬申追封故咸陽王禧為敷城王京兆王愉
為臨洮王清河王懌為范陽王以禮加葬丁丑河間王琛
章武王融竝以貪汙削爵除名己卯蠕蠕主阿那瓌率眾
犯塞遣尚書左丞元孚為北道行臺持節喻之蠕蠕後主
郁久間侯匿伐來朝司空劉騰薨夏四月阿那瓌執元孚
北遁秋八月癸未追復故范陽王懌為河間王九月丁酉
詔太尉汝南王悅入居門下與丞相高陽王雍參決尚書
奏事冬十一月癸未朔日有蝕之景申趙郡王謚薨丁酉
太保崔光薨十二月以太尉汝南王悅為太保徐州刺史

北海王顥坐貪汙削爵除官是歲宕昌庫莫突國竝遣使朝貢

五年春正月辛丑祀南郊三月沃野鎮人破六韓拔陵反聚眾殺鎮將號真王元年夏四月高平酋長胡琛反自稱高平王攻鎮以應拔陵別將盧祖遷擊破之五月都督北征諸軍專臨淮王彧攻討敗於五原削除官爵壬申詔尚書令李崇為大都督率廣陽王深等北討六月秦州城人莫折大提據城反自稱秦王殺刺史李彥大提尋死于念生代立僭稱天子年號天建置立百官丁酉大赦秋七月戊午復河間王琛臨淮王彧本封是月涼州幢帥于菩提

呼延雄執刺史宋穎據州反念生遣其兄高陽王天生下隴東寇八月甲午雍州刺史元志西討大敗於隴東退守岐州景申詔諸州鎮軍元非犯配者悉免為編戶改鎮為州依舊立稱九月壬申詔尚書左僕射齊王蕭寶夤為西道行臺大都督復撫軍北海王顥官爵為都督竝率諸將西討乙亥帝幸明堂餞寶夤等吐谷渾主伏連籌遣兵討涼州于菩提走追斬之城人趙天安復推宋穎為刺史冬十月營州城人劉安定就德興據城反執刺史李仲遵城人王惡兒斬安定以降德興東走自號燕王十二月詔太傅京兆王繼為太師大將軍率諸將西討汾州正平平陽

胡叛逆詔復征東將軍章武王融封爵為大都督率眾討之莫折念生遣兵攻涼州城人趙天安復執刺史以應之長歲噉噬契丹地豆干庫莫奚等國並遣使朝貢

孝昌元年春正月庚申徐州刺史元法僧據城反自稱宋三年號天啓遣其子景仲歸梁梁遣其將豫章王綜入守

彭城法僧擁其僚屬南入詔臨淮王彧尚書李憲為都督安豐王延明為東道行臺俱討徐州癸亥蕭寶夤及征西

將軍崔延伯大破賊於黑水天生退走入隴涇岐及隴悉平以太師大將軍京兆王繼為太尉二月詔追復故樂良

二長命爵以其子忠紹之戊戌大赦三月甲戌詔五品以上各屬所知夏四月辛卯皇太后復臨朝攝政引羣臣面

陳得失壬辰征西將軍都督崔延伯大敗於涇川戰歿六月癸未大赦改元蠕蠕主阿那瓌大破拔陵長月諸將逼

彭城蕭繚夜潛出降梁諸將奔退眾軍追躡免者十一二秋八月癸酉詔斷遠近貢獻珍麗違者免官柔玄鎮人杜

洛周反於上谷年號真王九月乙卯詔減天下諸調之半壬戌詔五品以上各舉所知辛未曲赦南北秦州冬十月

蠕蠕遣使朝貢十一月辛亥詔父母年八十以上者皆聽右官時四方多事諸蠻復反十二月山胡劉彞并反自稱

天子

二年春正月庚戌封廣平王懷長子誨為范陽王壬子以太保汝南王悅領太尉是月五原鮮于脩禮反於定州年號息興二月庚申帝及皇太后臨大夏門親覽冤訟三月庚子追復中山王熙本爵以其子叔仁紹之夏四月大赦丙申北討都督河間王琛長孫承業失利奔還詔並免官爵五月丁未車駕將北討內外戒嚴前給事黃門侍郎元略自梁還朝封義陽王以丞相高陽王雍為大司馬六月己巳曲赦齊州絳蜀陳雙熾聚眾反自號始建王曲赦平陽建興正平三郡詔假鎮西將軍都督長孫承業討雙熾平之景子改封義陽王略為東平王戊寅詔復京兆王繼本封江陽王戊子詔曰自運屬艱棘歷載於茲朕威德不能遐被經略無以及遠何以苟安黃屋無愧黔黎今便避居正殿蔬飧素服當親自招募收集忠勇其有直言正諫之士敢決徇義之夫二十五日悉集華林東門人別引見共論得失秋八月景子進封廣川縣公元邵為常山王戊子進武城縣公子攸為長樂王癸巳賊帥元洪業斬鮮于脩禮請降為賊黨葛榮所殺九月辛亥葛榮敗都督廣陽王深章武王融於博野白牛邏融歿於陣榮自稱天子國號齊年稱廣安冬十一月戊戌杜洛周攻陷幽州執刺史王延年及行臺常景景年稅京師田租畝五升借貸公田

者畝一斗閏月稅市人出入者各一錢店舍爲五等梁將
元樹逼壽春揚州刺史李憲力屈而降初留州縣及長史
司馬戍主副員子於京師詔項舊京淪覆中原喪亂宗室
子女屬籍在七廟內爲雜戶濫門拘辱者悉聽離絕是歲
疊伏羅庫國竝遣使朝貢

三年春正月甲戌以司空皇甫度爲司徒儀同三司蕭寶
夤爲司空辛巳葛榮陷殷州刺史崔楷固節死之甲申詔
峻鑄錢之制蕭寶夤大敗于涇州北海王顥尋亦敗走曲
赦關西及正平平陽建興戍子以司徒皇甫度爲太尉己
丑以四方未平詔內外戒嚴將親征二月丁酉詔開輸賞

格輸粟入瀛定歧雍四州者官斗二百斛賞一階入二華
州者五百石賞一階不限多少粟畢授官虜賊據潼關三
月甲子詔將西討中外戒嚴虜賊走復潼關秋七月相州
刺史安樂王鑿據州反己丑大赦八月都督源子邕李神
軌裴衍攻鄴丁未斬鑿相州平九月己未東豫州刺史元
慶和以城南叛秦州城人杜粲殺莫折念生自行州事冬
十月戊申曲赦恒農巴西河北正平平陽邵郡及關西諸
州軍甲寅雍州刺史蕭寶夤據州反自號齊年稱隆緒十
一月己丑葛榮攻陷異州執刺史元孚逐出居人凍死者
十六七十二月戊申都督源子邕裴衍與榮戰敗於陽平

東北竝歿是月杜粲為駱超所殺超遣使歸罪是歲蠕蠕遣使朝貢

武泰元年春正月乙丑生息女祕言皇子景寅大赦改元丁丑雍州人侯終德相率攻蕭寶夤寶夤度渭走雍州平二月癸丑帝崩於顯陽殿時年十九甲寅皇子即位大赦皇太后詔曰皇家握曆受圖年將二百祖宗累聖社稷載安高祖以文思先天世宗以下武繼世大行在御重以寬仁奉養率由溫明恭順實望穹靈降祐麟趾衆繁自潘充華有孕椒宮異誕儲兩而熊羆無兆唯虺遂彰于時直以國步未康假稱統胤欲以底定物情係仰宸極何圖一旦

弓劍莫追皇曾孫故臨洮王寶暉世子釗體自高卓異大行平日養愛特深義齊若子事符當璧允推即日踐祚可班宣遠邇咸使知之乙卯幼主即位儀同三司大都督尔朱榮抗表請入奔赴勒兵而南是月杜洛周為葛榮所并三月甲申上尊謚曰孝明皇帝乙酉葬於定陵廟號肅宗四月戊戌尔朱榮濟河庚子皇太后幼主崩論曰宣武承聖考德業天下想望風化垂拱無為邊徼稽服而寬以攝下從容不斷太和之風替矣比之漢世安順宣武之後繼以元成孝明冲齡統業靈后婦人專制任用非人當為司命於是豐起宇內禍延邦畿卒於尊國不長

抑亦淪胥之始也

魏本紀第四

北史四

方洽周益周口千孫粹然校正

魏本紀第五

北史五

敬宗孝莊皇帝諱士攸彭城王勗之第三子也母曰李妃
明帝初以勗有魯陽翼衛之勳封帝武城縣公幼侍明帝
書於禁中及長風神秀慧姿貌甚美雅為明帝親待孝昌
二年八月進封長樂王歷位侍中中軍將軍以兄彭城王
劾事轉為衛將軍左光祿大夫中書監是見出也武泰元
年二月明帝崩大都督介朱榮謀廢立以帝家有忠勳且
兼人望陰與帝通率眾夾赴帝與兄弟夜北度河會榮於
河陽

永安元年夏四月戊戌帝南濟河即皇帝位以皇兄彭城

王劭為無上王皇弟霸城公子正為始平王以介朱榮為使持節侍中都督中外諸軍事大將軍尚書令領軍將軍領左右封太原王己亥百僚相率有司奉璽綬備法駕奉迎於河梁西至陶渚榮以兵權在己遂有異志乃害靈太后及幼主次害無上王劭始平王子正又害丞相高陽王雍已下王公卿士二千人列騎衛帝遷於便幕榮尋悔稽顙謝罪辛丑車駕入宮御太極殿大赦改武泰為建義元年壬寅榮表請追謚無上王為皇帝餘死河陰者諸王刺史贈三司三品者令僕五品者刺史七品已下及庶人郡鎮諸死者子孫聽立後授封爵詔從之癸卯以前太尉江

陽王繼為太師以司州牧相州刺史北海王顥為太傅開府仍刺史封光祿大夫清江永縣侯李延實為陽平王位太保遷太傅以并州刺史元大穆為太尉封上黨王以儀同三司楊椿為司徒以儀同三司頓丘郡公穆紹為司空領尚書令進爵為王以雍州刺史長孫承業為開府儀同三司進封馮翊王以殿中尚書元諶為尚書右僕射封魏郡王以給事黃門侍郎元瑱為東海王甲辰以敷城王坦為咸陽王以諫議大夫元貴平為東萊王以直閣將軍元肅為魯郡王以秘書郎中元暉為長廣王以馮翊郡公源紹景復先爵隴西王扶風郡公馮因東郡公陸子彭北平公

長孫悅並復先王爵以比平王超還復為安定王丁未詔
中外解嚴庚戌封大將軍介朱榮次子義羅為梁郡王詔
蠕蠕王阿那瓌讚拜不名上書不稱臣是月汝南王悅北
海王顥臨淮王彧前後奔梁五月丁巳朔以右僕射元羅
為東道大使光祿勳元欣副之循方黜陟先行後聞辛酉
大將軍介朱榮還晉陽帝餞於邙陰六月癸卯以高昌王
世子光為平西將軍瓜州刺史襲爵秦臨縣伯高昌王帝
以寇難未夷避正殿責躬撤膳又班募格收集忠勇有直
言正諫之士者集華林園面論時事幽州平北府主簿河
間邢杲率河北流亡人萬餘戶反於北海自署漢王年號
天統秋七月乙丑加大將軍介朱榮柱國大將軍錄尚書
事壬子光州人劉舉聚眾反於濮陽自稱皇武大將是月
高平鎮人萬俟醜奴僭稱大位臨淮王彧自江南還朝八
月太山太守羊侃據郡反甲辰詔大都督宗正珍孫討劉
舉卒之九月己巳以齊州刺史元欣為沛郡王壬申柱國
大將軍介朱榮率騎七千討葛榮於滏口破禽之異定滄
瀛殷五州平乙亥以葛榮平大赦改元為永安辛巳以介
朱榮為大丞相進榮子平昌郡公文殊昌樂郡公文暢爵
並為王以司徒楊椿為太保城陽王徽為司徒冬十月丁
亥介朱榮檻送葛榮於京師帝臨閭闔門榮稽顙謝罪斬

於都市戊戌江陽王繼薨癸丑復膠東縣侯李保希袒爵南郡王是月大都督費穆大破梁軍禽其將曹義宗檻送京師梁以北海王顥為魏主年號孝基入據南兗之鉅城十一月戊午以無上王世子韶為彭城王陳留王子寬為陳留王寬弟剛為浮陽王剛弟質為林慮王癸亥行臺于暉等大破年保於瑕丘保奔梁戊寅封前軍元凝為東安王是歲葛榮餘黨韓樓復據幽州反

二年春二月甲午追尊皇考為文穆皇帝廟號肅祖皇妣為文穆皇后夏四月癸未遷文穆皇帝及文穆皇后神主于太廟降畿內死罪已下刑辛丑上黨王天穆大破邢杲於濟南杲降送於京師斬於都市五月壬子朔元顥剋梁國乙丑內外戒嚴癸酉元顥陷滎陽甲戌夜車駕北巡乙亥幸河內景子元顥入洛丁丑進封城陽縣公元祉為平原王安昌縣公元鷲為華山王戊寅太原王尒朱榮會車駕於長子即日反旆上黨王天穆北度會車駕於河內秋七月戊辰都督尒朱兆賀拔勝從破石夜濟破顥子冠受及安豐王延明軍元顥敗走庚午車駕入居華林園升大夏門大赦壬申以柱國大將軍太原王尒朱榮為天柱大將軍癸酉臨穎縣卒江豐斬元顥傳首京師甲戌以大將軍上黨王天穆為太宰以司徒城陽王徽為大司馬太尉

已卯以南青州刺史元旭為襄城王南兗州刺史元暹為
汝陽王閏月辛巳帝始居宮內辛卯以兼吏部尚書楊津
為司空八月己未以太傅李延實為司徒丁卯封瓜州刺
史元太宗為東陽王九月大都督侯深破韓樓於薊斬之
幽州平冬十月乙酉朔日有蝕之丁丑以前司空丹楊王
蕭贊為司徒十一月己卯就德興自榮州遣使請降景平
以大司馬太尉城陽王徽為太保以司徒丹楊王蕭贊為
太尉以雍州刺史長孫承業為司徒

三年夏四月丁卯雍州刺史尔朱天光討萬俟醜奴蕭贊
黃於安定破禽之囚送京師甲戌以關中平大赦斬醜奴
於都市賜寶黃死六月戊午嚙噀國獻師子一是月白馬
龍涸胡王慶雲僭稱帝號於永洛城秋七月景子尔朱天
光平永洛城禽慶雲九月辛卯天柱大將軍尔朱榮上黨
王天穆自晉陽來朝戊戌帝殺榮天穆於明光殿及榮子
菩提乃升閭闔門大赦遣武衛將軍奚毅前燕州刺史侯
深率衆鎮北中是夜左僕射尔朱世隆榮妻鄉郡長公主
榮部曲自西陽門出屯河陰己亥攻河橋禽毅等屠害
之據北中城南逼京師冬十月癸卯朔封大鴻臚卿寶炬
為南陽王汝南縣公備為平陽王新陽伯誕為昌樂王琅
耶公昶為太原王甲辰徙封魏郡王謏為趙郡王謏弟子

趙郡王宣爲平昌王戊申皇子生六赦乙卯通直散騎常侍李苗以火船焚河橋尔朱世隆退走壬申世隆傳建興之高都尔朱昶自晉陽來會之共推昶爲主六赦所部年號建興梓州刺史尔朱仲遠反率衆向京師十一月乙亥以司徒長孫承業爲太尉以臨沂王或爲司徒景子進雍州刺史廣宗部公尔朱天光爵爲王十二月尔朱兆尔朱度律自官平津上率兵討或等以或等出倉卒禁衛不守帝步出雲龍門北逼帝幸寧壽寺殺皇子亂兵煞司徒臨淮王或左僕射范陽王誨或中尔朱曼提自鎮京師甲寅尔朱兆遷帝於晉陽甲子帝遇弒於城內三級佛寺時年二十四并害陳留王寬中興二年廢帝奉謚爲武懷皇帝及孝武立又以廟諱故改謚孝莊皇帝廟號敬宗葬靜陵

節閔皇帝諱恭字脩業廣陵惠王羽之子也母曰王氏帝少有志度事祖母嫡母以孝聞正始中襲爵位給事黃門侍郎帝以元义擅權託稱瘖病絕言垂一紀居於龍花佛寺無所交通永安末有白莊帝言帝不語將有異圖人間遊聲又云常有天子氣帝懼禍遂逃匿上洛尋見追躡送京師拘禁多日以無狀獲免及莊帝崩尔朱世隆等以元暉踈遠又非人望所推以帝有過人之量將謀廢立恐實

不語乃令帝所親申意兼迫脅帝曰天何言哉世隆等大
悅及元暉至邛南世隆等奉帝東郭外行禪讓禮太尉余
朱度律奉路車進璽紱服袞冕百官侍衛入自建春雲龍

門

普泰元年春二月己巳皇帝即位於太極前殿羣臣拜賀
禮畢遂登閭闔門大赦以魏為大魏改建明二年為普泰
元年罷稅市及稅鹽之官庚午詔曰自秦之末競為皇帝
忘負乘之深殃垂負鄙於萬葉予今稱帝已為殘矣可普
旨令知是月鎮遠將軍清河崔祖螭聚青州七郡之衆圍
東陽幽州刺史劉靈助起兵於薊河北大使高乾及其弟

昂夜襲冀州執刺史元嶷共推前河內太守封隆之行州
事三月癸酉封長廣王暉為東海王以青州刺史魯郡王
肅為太師沛郡王欣為太傅司州牧改封淮陽王以徐州
刺史彭城王尒朱仲遠雍州刺史隴西王尒朱天光並為
大將軍以柱國大將軍并州刺史潁川王尒朱兆為天柱
大將軍封晉州刺史平陽郡公高歡為勃海王以特進清
河王亶為太傅以尚書令樂平王尒朱世隆為太保以趙
郡王湛為司空景申定州刺史侯深破劉靈助於安國城
斬之傳首京師夏四月壬子享太廟癸亥隴西王尒朱天
光破宿勤明達禽送京師斬之景寅以待中尒朱彥伯為

司徒詔有司不得復稱偽梁罷細作之條無禁隣國還往
五月景子尔朱仲遠使其都督魏僧勗等討崔祖蟜於東
陽斬之六月己亥朔日有蝕之庚申勃海王高歡起兵信
都以誅尔朱氏為名秋七月壬申尔朱世隆等害前太保
楊椿前司空楊津景戌司徒尔朱彦伯以旱遜位九月以
彭城王尔朱仲遠為太宰庚辰以隴西王尔朱天光為大
司馬癸巳追尊皇考為先帝皇妣王氏為先太妃封皇弟
尔朱業為高密王皇子子恕為勃海王冬十月壬寅高歡推
勃海太守元朗即皇帝位於信都

二年春閏二月高歡敗尔朱天光等於韓陵夏四月辛巳

高歡與廢帝至芒山使魏蘭根慰喻洛邑且觀帝之為人
蘭根忌帝雅德還致毀謗竟從崔陵議廢帝於崇訓佛寺
而立平陽王脩是為孝武帝帝既失位乃賦詩曰朱門久
可患紫極非情翫顛覆立可待一年三易換時運正如此
唯有修真觀五月景申帝遇弒殂於門下外省時年三十
五孝武帝詔百司赴會葬用王禮加九旒鑾輅黃屋左纛
班劍百二十人後西魏追謚節閹皇帝

廢帝諱朗字仲哲晉武王融第三子也母曰程氏帝少稱
明悟元曄建明二年正月戊子為勃海太守並表元年十
月勃海王高歡奉帝以主號令

中興元年冬十月壬寅皇帝即位於信都西大赦改晉泰
元年爲中興以勃海王高歡爲丞相都督中外諸軍事以
河北大使高乾爲司空辛亥高歡大破尒朱兆於廣阿十
一月梁將元樹入據譙城

二年春二月甲子以勃海王高歡爲大丞相柱國大將軍
太師及歡敗尒朱氏於韓陵四月辛巳帝於河陽遜位於
別郎五月孝武封帝爲安定郡王十一月殂於門下外省
時年二十永熙二年葬於鄴西南野馬崗

孝武皇帝諱脩字孝則廣平武穆王懷之第三子也母曰
李氏帝性沈厚學涉好武事遍體有鱗文年十八封汝陽

縣公夢人有從諱謂已曰汝當大貴得二十五年永安三
年封平陽王普泰中爲侍中尚書左僕射中興二年高歡
既敗尒朱氏廢帝自以踈遠請遜大位歡乃與百寮議以
孝文不可無後時召汝南王悅於梁至將立之宿昔而止
又諸王皆逃匿帝在田舍先是嵩山道士潘彌望見洛陽
城西有天子氣候之乃帝也於是造第密言之居五旬而
高歡使斛斯椿求帝椿從帝所親王思政見帝帝變色曰
非賣我耶椿遂以白歡歡遣四百騎奉迎帝入氈帳陳誠
泣下霑襟讓以寡德歡再拜帝亦拜歡出備服御進湯沐
達夜嚴密言昧爽文武執鞭以朝使斛斯椿奉勸進表椿入

帷門罄折延首而不敢前帝令思政取表曰視便不得不
稱朕矣於是假廢帝安定王詔策而禪位焉即位于東郭
之外用代都舊制以黑氈蒙七人歡居其一帝於氈上西
向拜天訖自東陽雲龍門入

永熙元年夏四月戊子皇帝御太極前殿羣臣朝賀禮畢
升闈闔門大赦改中興二年爲太昌元年壬辰高歡還鄴
五月景申節閔帝死以太傅淮陽王欣爲太師改封沛郡
王以司徒趙郡王諶爲太保以司空南陽王寶炬爲太尉
以太保長孫承業爲太傅辛丑復前司空高乾位己酉以
儀同三司清河王亶爲司徒乙卯內外解嚴六月癸亥朔
帝於華林園納訟丁卯南陽王寶炬坐事降爲驃騎大將
軍開府以王歸第己卯臨顯陽殿納訟景戌詔曰間者凶
權誕恣法令變常遂立夷貊輕賦異收天下之意隨以箕
歛之重終納十倍之征掩目捕雀何能過此今歲租調且
兩收一而明年復舊秋七月庚子以南陽王寶炬爲太尉
乙卯帝臨顯陽殿親理寃獄是月東南道六行臺樊子鴟
大破梁軍於譙城禽其將元樹八月丁卯封西中郎將元
寔爲高平王九月癸卯進燕郡公賀拔允爵爲王癸丑改
封沛郡王欣爲廣陵王節閔子勃海王子恕爲沛郡王冬
十月辛酉朔日有蝕之十一月丁酉祀圓丘甲辰殺安定

王朗及東海王暉己酉以汝南王悅為侍中大司馬開府
葬太后胡氏十二月丁亥殺大司馬汝南王悅大赦改元
為永興以同明元時年號尋改為永熙是歲蠕蠕噉噉高
麗契丹庫莫奚高昌等國並遣使朝貢

二年春正月庚寅朔朝饗羣臣于太極前殿丁酉勃海王
高歡大敗尔朱氏山東平罷諸行臺丁巳追尊皇考為武
穆皇帝太妃馮氏為武穆皇后皇妣李氏曰皇太妃二月
以咸陽王坦為司空三月甲午太師魯郡王肅薨丁巳以
太保趙郡王諶為太尉以太尉南陽王寶炬為尚書令太
保開府是月阿至羅十萬户内附詔復以勃海王高歡為

大行臺隨機裁處夏四月己未朔日有蝕之秋七月壬辰
以太師廣陵王欣為大司馬以太尉趙郡王諶為太師並
開府庚戌以前司徒燕郡王胡玢為太尉冬十月癸未
以衛將軍瓜州刺史秦臨縣伯高昌王趙子堅為儀同三
司進爵郡公十二月丁巳狩於嵩陽士卒寒若己巳遂幸
温湯丁丑還宮

三年春二月壬戌大赦壬午封左衛將軍元斌之為潁川
王夏四月癸丑朔日有蝕之辛未高平王寧坐事降爵為
公五月景戌置勳府庶子箱別六百人騎官箱別二百人
閣内部曲數千人帝内圖高歡乃以斛斯椿為領軍使與

王思政等統之以為心膂軍謀朝政咸決於椿分置督將
及河南關西諸刺史辛卯下詔戒嚴揚聲伐梁實謀北討
是夏契丹高麗吐谷渾並遣使朝貢秋七月己丑帝親總
六軍十餘萬次河橋高歡引軍東度景午帝率南陽王寶
炬清河王宣廣陽王湛斛斯椿以五千騎宿於渾西楊王
別答沙門都維那惠臻負墜持十牛刀以從有牛百頭盡
殺以食軍士衆知帝將出其夜亡者過半清河廣陽二王
亦逃歸略陽公宇文泰遣都督駱超李賢和各領數百騎
赴駱超先至甲戌賢和會帝於嶠中己酉高歡入洛遣婁
昭及河南尹元子思領左右侍官追帝請迴駕高昌舉勁
騎及帝於陝西帝鞭馬長驚至湖城飢渴甚有王思村人
以交飯壺漿獻帝帝甘之復一村十年是歲二月賊惑入
南斗衆星北流羣鼠浮河向鄴梁武跣而下殿以禳星變
及聞帝之西慙曰虜亦應天乎帝至稠桑潼關大都督毛
洪賓迎獻食八月宇文泰遣大都督趙貴梁禦甲騎二千
來赴乃奉迎帝過河謂禦曰此水東流而朕西上若得重
謁洛陽廟是卿等功也帝及左右皆流涕宇文泰迎帝於
東陽帝勞之將士皆呼萬歲遂入長安以雍州公解為宮
大赦甲寅高歡推司徒清河王寶實為大司馬承制總萬機
居尚書省歡追車駕至潼關九月己酉歡東還洛陽帝親

督衆攻潼關斬其行臺華長瑜又剋華州其冬十月高歡
推清河王暄子善見爲主徙都鄴是爲東魏魏於此始分
爲二帝之在洛也從妹不嫁者三一曰平原公主明月南
陽王同產也二曰安德公主清河王懌女也三曰蒺藜亦
封公主帝內宴令諸婦人詠詩或詠鮑照樂府曰朱門九
重門九閨願逐明月入君懷帝旣以明月入關蒺藜自縊
宇文泰使元氏諸王取明月殺之帝不悅或時彎弓或時
推案君臣由此不安平閏十二月癸巳潘彌奏言今日當
甚有急兵其夜帝在逍遙園宴阿至羅顧侍臣曰此處仿
彿華林園使人聊增悽怨命取所乘波斯騮馬使南陽王
躍之將攀鞍蹶而死而惡之日晏還宮至後門馬驚不前
鞭打入謂潘彌曰今日幸無他不彌曰過夜半則大吉須
臾帝飲酒遇醎而崩時年二十五謚曰孝武殯於草堂佛
寺十餘年乃葬雲陵始宣武孝明間謠曰狐非狐貉非貉
焦梨狗子齧斷索識者以爲索謂本索髮焦梨狗子指字
文泰俗謂之黑獺也

文皇帝諱寶炬孝文皇帝之孫京兆王愉之子也母曰楊
氏帝正始初坐父愉罪兄弟皆幽宗正寺及宣武崩乃得
雪正光中拜直閤將軍時胡太后多嬖寵帝與明帝謀誅
之事泄免官武泰中封邵縣侯永安二年進封南陽王孝

武即位拜太尉加侍中永熙二年進位太保開府尚書令
三年孝武與高歡構難以帝為中軍四面大都督及從入
關拜太宰錄尚書事孝武崩丞相略陽公宇文泰率羣公
卿士奉表勸進三讓乃許焉

大統元年春正月戊申皇帝即位於城西大赦改元追尊
皇考為文景皇帝皇妣楊氏為皇后己酉進丞相略陽公
宇文泰都督中外諸軍錄尚書事大行臺改封安定郡公
以尚書令斛斯椿為太保廣平王贊為司徒乙卯立妃乙
氏為皇后立皇子欽為皇太子申子以廣陵王欣為太傅
以儀同三司万俟壽樂干為司空東魏將侯景攻階州

二月前南青州刺史大野拔斬兗州刺史樊子鵠以州降
東魏夏五月降罪人加安定公宇文泰位柱國秋七月以
開府儀同三司念賢為太尉以司空万俟壽樂干為司徒
以開府儀同三司越勒肱為司空梁州刺史元羅以州降
梁九月有司詔煎御香澤須錢萬貫帝以軍旅在外停之
冬十月太師上黨王長孫承業薨十一月以太尉念賢為
太傅以河州刺史梁景徽為太尉

二年春正月辛亥祀南郊改以神元皇帝配東魏政陷夏
州二月儀同三司段敬討叛羗梁公定平之二月以涼州
刺史李叔仁為司徒以司徒万俟壽樂干為太宰夏五月

司空越勒肱薨秦州刺史建中王万俟普撥及其子太宰
壽樂干率所部奔東魏秋九月以扶風王季子為司空以太
保斛斯椿為太傅冬十一月追改始祖神元皇帝為太祖
道武皇帝為烈祖是歲關中大飢人相食死者十七八

三年春二月槐里獲神璽大赦夏四月太傅斛斯椿薨五
月以廣陵王欣為太宰賀拔勝為太師六月以司空扶風
王季子為太保以太尉梁景徽為太傅以司徒廣平王贊為
太尉以開府儀同三司王盟為司空冬十月安定公宇文
泰大破東魏軍於沙苑拜泰柱國大將軍十二月司徒李
叔仁自梁州通使於東魏建昌太守賀蘭植攻斬之

四年春正月辛酉拜天於清暉室終帝世遂為常二月東
魏攻陷南汾潁豫廣四州廢皇后乙氏三月立蠕蠕女郁
久間氏為皇后大赦以司空王盟為司徒秋七月東魏將
侯景等圍洛陽帝與安定公宇文泰東伐九月車駕至自
東伐以撫軍將軍梁公定為南兖州刺史安西蕃

五年春二月赦京城內夏五月以開府儀同三司李弼為
司空免妓樂雜役之徒皆從編戶秋七月詔自今恒以朔
望親閱京師見禁囚徒以司空扶風王季子為太尉冬十月
於陽武門外縣鼓置紙筆以求得失

六年春正月庚戌朝羣臣自西遷至此禮樂始備太尉扶

風王孚薨二月鑄五銖錢降罪人冬十一月太師念賢薨
七年春二月幽州刺史順陽王仲景以罪賜死三月夏州
刺史劉平謀反大都督于謹討禽之秋九月詔班政事之
法六條冬十一月叛羌梁公定徒黨出於赤水城秦州刺
史獨孤信擊平之尚書奏班十二條制十二月御馮雲觀
引見諸王叙家人之禮手詔為宗誠十條以賜之

八年春三月初置六軍夏四月鄧善王兄鄧朱般盜衆內
附秋八月以太尉王盟為太保冬十月詔皇太子鎮河東
十二月行幸華州起萬壽殿於沙苑北

九年春正月降罪人禁中外及從母兄弟姊妹為婚閏月
車駕至自華州二月東魏北豫州刺史高仲密據武牢內
附以仲密為侍中司徒封勃海郡公秋七月大赦以太保
王盟為太傅以太尉廣平王贊為司空冬十二月以司空
李弼為太尉

十年春正月甲子詔公卿已下每月上封事三條極言得
失刺史二千石銅墨已上有讜言嘉謀勿有所諱夏五月
太師賀拔勝薨秋七月更權衡度量

十一年夏五月太傅王盟薨詔諸鞠太辟獄皆命三公覆
審然後加刑冬始築圓立於城南封皇子儉

十二年春二月涼州刺史宇文仲和反秦州刺史獨孤信

討平之三月鑄五銖錢夏五月詔女年不滿十三以上勿
得以嫁秋九月東魏勃海王高歡攻玉壁晉州刺史高孝
寬力戰禦之冬十二月歡燒營而退

十三年春正月開白渠以溉田二月詔自今應官刑者直
沒官勿刑亡奴婢應黥者止科亡罪以開府儀同三司若
千惠為司空東魏勃海王高歡薨其司徒侯景據潁川率
河南六州內附授景太傅河南大行臺上谷郡公三月大
赦夏五月以太傅侯景為大將軍以開府儀同三司獨孤
信為大司馬晉王謹薨秋七月司空若千惠薨大將軍侯
景據豫州叛封皇子寧為魏王

十四年春正月赦潁豫廣北洛東荆襄等七州以開府儀
同三司趙貴為司空皇孫生大赦夏五月以安定公宇文
泰為太師廣陵王欣為太傅太尉李弼為太宗伯前太尉
趙貴為大司寇以司空于謹為大司空

十五年己巳五月侯景殺梁武帝初詔諸代人太和中改
姓者並令復舊六月東魏勃海王高澄攻陷潁川秋八月
盜殺東魏勃海王高澄冬十二月封梁雍州刺史岳陽王
蕭詧為梁王

十六年夏四月封皇子儒為燕王公為吳王五月東魏靜
帝遜位于齊秋七月安定公宇文泰東伐至恒農齊師不

出乃還九月大赦

十七年春三月庚戌帝崩于乾安殿時年四十五夏四月庚辰葬於永陵上謚曰文皇帝帝性強果始爲太尉時侍中高隆之恃勅海王高歡之黨驕狎公卿因公會帝勸酒不飲怒而歐之罵曰鎮兵何敢尔也孝武以歡故免帝太尉歸第命羽林守衛月餘復位及歡將改葬其父朝廷追贈太師百僚會吊者盡拜帝獨不屈曰安有生三公而拜贈太師耶及躋大位權歸周室嘗登逍遙觀望嵯峨山因謂左右曰望此令人有脫屣之意若使朕年五十便委政儲宮尋山餌藥不能一日萬機也既而大運未終竟保天

祿云

廢帝諱欽文皇帝之長子也母曰乙皇后大統元年正月乙卯立爲皇太子十七年三月即皇帝位是月梁邵陵王蕭綸侵安陸大將軍楊忠討禽之

元年冬十一月梁湘東王蕭繹討侯景禽之遣其舍人魏彥來告仍嗣位於江陵

二年秋八月大將軍尉遲迥尅成都劔南平冬十一月安定公宇文泰殺尚書元烈

三年春正月安定公宇文泰廢帝而立齊王廓帝自元烈之誅有怨言淮安王育廣平王贇等並垂泣諫帝不聽故

及於辱

恭皇帝諱廓文皇之第四子也大統十四年封為齊王廢
帝三年正月即皇帝位改元

元年夏四月蠕蠕乙旃達官寇廣武五月柱國李弼追擊

之斬首數千級收輜重而還冬十一月魏師滅梁牂梁元

帝梁太尉王僧辯奉元帝子方智為王承制居建業

二年秋七月梁太尉王僧辯納貞陽侯蕭明於齊奉以為

主梁王方智為太子九月梁司空陳霸先殺僧辯廢蕭明

復奉方智為帝是歲梁廣州刺史王琳寇邊大將軍豆虜

寧帥師討之

三年春正月丁丑初行周禮建六官以安定公宇文泰為

太師冢宰以柱國李弼為大司徒趙貴為太保大宗伯以

尚書令獨孤信為大司馬以于謹為大司寇以侯莫陳崇

為大司空冬十月乙亥安定公宇文泰薨十二月庚子帝

遜位於周

周閔帝元年正月封帝為宋公尋殂

東魏孝靜皇帝諱善見清河文宣王高澄之世子也母曰胡

妃永熙三年八月拜開府儀同三司孝武帝既入關勃海

王高歡乃與百僚會議推帝以奉明帝之後時年十一

天平元年冬十月景寅皇帝即位於城南北大赦改元庚

午以太師趙郡王諶為大司馬以司空成陽王坦為太尉以開府儀同三司高盛為司徒以開府儀同三司高昂為司空壬申享太廟景子車駕北遷于鄴勃海王高歡留後部分改司州為洛州以尚書令元弼為儀同三司洛州刺史鎮洛陽十一月兗州刺史樊子鵠南青州刺史大野拔據瑕丘反庚寅車駕至鄴居北城相州之廨改相州刺史為司州牧魏郡太守為魏尹徙鄴舊又西徑百里以居新遷人分鄴置臨漳縣以魏郡林慮廣平陽丘汲郡黎陽東濮陽清河廣宗等郡為皇畿十二月丁卯燕郡王賀拔允薨庚午詔內外戒嚴百司悉依舊制早從容雅服不得以務衫從事景子進侍中封隆之等五人為大使巡喻天下丁丑赦畿內閏月梁以元慶和為魏王又據平瀨鄉孝武崩二長安初置四中郎將於礪石橋置東中蒲泉置西中濟北置南中洛水置北中

二年春正月乙亥兼尚書右僕射東南道行臺元晏討元慶和破走之二月壬午以太尉咸陽王坦為太傅以司州牧西河王暉為太尉己丑前南青州刺史大野拔斬樊子鵠以降兗州平戌成梁司州刺史陳慶之寇豫州刺史堯雄擊走之三月辛酉以司徒高盛為太尉以司空高昂為司徒濟陰王暉業為司空勃海王高歡討平山胡劉彥升

辛未以旱故詔京邑及諸州郡縣收瘞骸骨是春高麗襲丹並遣使朝貢夏四月前青州刺史侯梁反攻掠青齊癸未濟州刺史蔡雋討平之壬辰降京師日九囚夏五月大旱勒城門殿門及省府寺署坊門澆人不簡王公無限日得雨乃止元慶和寇南頓豫州刺史堯雄大破之秋七月甲戌公南王悅孫綽為琅耶王八月辛卯司空濟陰王暉言生事免甲午發衆七萬六千營新宮九月丁巳以開府儀同三司襄城王旭為司空公十月丁未梁柳仲禮寇荊州刺史王元擊破之癸丑祀圓丘甲寅闔闔門災龍見并州人家井中十二月壬午車駕狩于鄴東甲午文武百官量事各給祿是歲西魏文帝大統元年也

三年春正月癸卯朔饗羣臣於前殿丙申詔百官舉士舉不稱才者兩免之二月丁未梁光州刺史郝樹以州內附丁酉加勃海王世子澄為尚書令大行皇天都督三月甲寅以開府儀同三司華山王鷲為大司馬丁卯陽夏太守盧公纂據郡南叛大都督元整破之直四月丁酉昌樂王誕薨五月癸卯賜鰥寡孤獨貧窮者衣物各有差景辰以錄尚書事西河王恂為司州牧戊辰太高盛薨六月辛巳趙郡王謀薨秋七月庚子大赦梁夏州刺史田獨鞞潁川防城都督劉鸞為慶並以州內附八月壬肆涿建四州霜

賈大飢九月壬寅以定州刺史侯景兼尚書右僕射南道
行臺節度諸軍南討景辰平陽人路季札聚衆反辛酉御
史中尉賈泰討平之冬十一月戊申詔遣使巡檢河北流
移飢人侯景攻剋梁楚州獲刺史桓和十一月以并州刺
史尉景爲大保辛未遣使者板假老人官日歲已下各有
差壬申大司馬清河王曹芳癸未以太傅似陽王坦爲太
師是歲高麗勿吉並遣使朝貢

四年春正月以汝陽王暹爲錄尚書事夏四月辛未遷七
帝神主入新廟大赦內外百官普進一階先是滎陽人張
儉等聚衆反於大魏山通西魏壬辰武衛將軍高元成討

破之六月己巳立垂蘇園理訟辛未詔尚書
錄囚徒壬午閭闔門災秋七月甲辰遣兼散騎常侍李諧
聘于梁八月西魏剋陝州刺史李徽伯死之九月侍中元
子思與其弟子華謀西入並賜死閏月乙丑衛將軍右光
祿大夫恭將樂謀反伏誅禁京師酤酒冬十月以咸陽王
坦爲錄尚書事壬辰勃海王高歡西討敗于沙苑己酉西
魏行臺宮景壽都督楊白駒寇洛州大都督韓賢大破之
西魏又遣其大行臺元季海大都督獨孤信逼洛州刺史
廣陽王湛棄城歸關季海信遂據金墉十一月景子以驃
騎大將軍儀同三司万俟普爲大尉十二日甲寅梁人來

聘河間人邢磨納范陽人盧仲禮等各取衆反是歲高麗
蠕蠕並遣使朝貢

元象元年春正月辛酉朔日有蝕之有巨象自至碭郡陂
中南兗州獲送于鄴丁卯大赦改元二月景後遣兼散騎
常侍鄭伯猷聘于梁夏四月庚寅曲赦畿內開酒禁六月
壬辰帝幸華林都堂聽訟秋七月乙亥帝向麗遣使朝貢是
夏山東大水蝦蟆鳴于樹上秋八月辛卯大敗西魏于河
陰九月大都督賀拔仁擊邢磨納盧仲禮等破于之冬十
月梁人來聘十二月庚寅遣陸操聘于梁
興和元年春正月辛酉以尚書令孫暉為司徒三月甲寅

朔封常山郡王劭第二子暉為陳郡王五月甲戌立皇后
高氏乙亥大赦是月高麗遣使朝貢六月乙酉以尚書左
僕射司馬子如為山東黜陟大使尋為東北道行臺差選
勇士庚寅前潁川刺史奚思業為河南大使簡發勇士丁
酉梁人來聘戊申開府儀同三司汝陽王暉薨秋八月壬
辰遣兼散騎常侍王元景聘于梁九月甲子發畿內十萬
人城鄴四十日罷卒未曲赦畿內死罪已下各有差冬十
一月癸亥以新宮成大赦改元八十已上賜綾帽及杖七
十旁無基親及有疾廢者各賜粟帛築城之夫給復一年
二年春正月壬申以太保尉景為太傅以驃騎大將軍開

北史卷之五
府儀同三司庫狄干爲太保丁丑徙御新宮大赦內外百
官並進一階營構主將別優一階三月乙卯梁人來聘夏
五月己酉西魏行臺宮延和陝州刺史宮元慶率戶內屬
置之河北馬場振廩各有差壬子遣兼散騎常侍李象聘
于梁閏月丁丑朔日有蝕之己丑封皇兄景植爲宜陽王
皇弟威爲清河王謙爲潁川王六月壬子大司馬華山王
鷲薨冬十月丁未梁人來聘十二月乙卯遣兼散騎常侍
崔長謙聘於梁是歲高麗蠕蠕勿吉並遣使朝貢

三年春二月甲辰阿至羅出吐拔那渾大率部來降三月
乙酉梁州人公孫貴賓聚衆反自號天王陽夏鎮將討禽

之夏四月戊申阿至羅國主副伏羅越君子去賓來降封
爲高車王六月乙丑梁人來聘秋七月己卯宜陽王景植
薨八月甲子遣兼散騎常侍李憲聘於梁先是詔群官於
麟趾閣議定新制冬十月甲寅班於天下己巳發夫五萬
人築漳濱堰三十五日罷癸亥車駕狩于西山十一月戊
寅還宮景戌以開府儀同三司彭城王韶爲太尉以度支
尚書胡僧敬爲司空是歲蠕蠕高麗勿吉國並遣使朝貢
四年春正月景辰梁人來聘夏四月景寅遣兼散騎常侍
李繪聘于梁乙酉以侍中廣陽王湛爲太尉以尚書右僕
射高隆之爲司徒以太尉彭城王韶爲錄尚書事丁亥太

傳尉景坐事降為驃騎大將軍開府儀同三司辛卯以太
保庫狄于為太傅以領軍將軍婁昭為大司馬封祖襲為
尚書右僕射六月景申復前侍中樂良王忠爵丁酉復陳
留王景皓常山王紹宗高密王末業爵秋八月庚戌以開
府儀同三司吏部尚書侯景為兼尚書僕射河南行臺隨
機討防冬十月甲寅梁人來聘十一月壬午驃騎大將軍
開府儀同三司青州刺史西河王恂薨十二月辛亥使兼
散騎常侍陽裴使于梁是歲蠕蠕高麗吐谷渾並遣使朝
貢

武定元年春正月壬戌朔大赦改元己巳車駕蒐于邯鄲

之西山癸酉還宮二月壬申北豫州刺史高仲密據

西叛三月景午帝親納訟戊申勃海王高歡大敗西魏師

于邙山追奔至恒農而還豫洛二州平夏四月封彭城王

韶弟龍襲為武安王五月壬辰以剋復武牢降天下死罪已

下囚乙未以吏部尚書侯景為司空六月乙亥梁人來聘

戊寅封前負外散騎侍郎元長春為南郡王八月乙丑以

汾州刺史斛律金為大司馬壬午遣兼散騎常侍李渾聘

于梁冬十一月甲午車駕狩于西山乙巳還宮是歲吐谷

渾高麗蠕蠕並遣使朝貢

二年春二月丁卯徐州人劉烏黑聚眾反遣行臺慕容紹

宗討平之三月梁人來聘以旱故宥死罪已下囚景午以
開府儀同三司孫騰為太保壬子以勃海王世子高澄為
大將軍領中書監元弼為錄尚書事以尚書左僕射司馬
子如為尚書令以太原公高洋為左僕射夏五月甲午遣
散騎常侍魏季景聘于梁丁酉太尉廣陽王湛薨秋八月
癸酉尚書令司馬子如坐事免九月甲申以開府儀同三
司濟陰王暉業為太尉太師咸陽王坦坐事免以王還第
冬十月丁巳太保孫騰大司馬高隆之名為括戶大使凡
獲逃戶六十餘萬十一月西河地陷有火出甲申以司徒
高隆之為尚書令以前大司馬婁昭為司徒庚子祀圓丘
辛丑梁人來聘是歲吐谷渾地豆干室書高麗蠕蠕勿吉
等並遣使朝貢

三年春正月景申遣兼散騎常侍李暉聘于梁二月庚申
吐谷渾國奉其從妹以備後庭納為容華嬪夏五月甲辰
大赦秋七月庚子梁人來聘冬十月遣中書舍人尉瑾聘
于梁十二月以司空侯景為司徒以中書令韓軌為司空
戊子以太保孫騰為錄尚書事是歲高麗吐谷渾蠕蠕並
遣使朝貢

四年夏五月壬寅梁人來聘六月庚子以司徒侯景為河
南大行臺應機討防秋七月壬寅遣兼散騎常侍元廓聘

千梁八月移洛陽漢魏石經于鄴是歲室韋勿吉地豆干
高麗蠕蠕並遣使朝貢

五年春正月己亥朔日有蝕之景午勃海王高歡薨辛亥
司徒侯景降于西魏以求救西魏遣其將李弼王思政赴
之恩政等入據潁川景乃出走豫州乙丑梁人來聘二月
侯景復背西魏歸梁夏四月壬申大將軍高澄來朝甲午
遣兼散騎常侍李緯聘于梁五月丁酉朔大赦戊戌以尚
書右僕射襄城王旭為太尉甲辰以太原公高洋為尚書
令領中書監以青州刺史尉景為大司馬以開府儀同三
司庫狄干為太師以錄尚書事孫騰為太傅以汾州刺史
賀拔仁為太保以司空韓軌為司徒以領軍將軍可朱渾
道元為司空以司徒高隆之錄尚書事以徐州刺史慕容
紹宗為尚書左僕射高陽王斌為右僕射戊午大司馬尉
景薨六月乙酉帝為勃海王舉哀於東堂服總衰秋九月
辛丑梁貞陽侯蕭明寇徐州堰泗水於寒山灌彭城以應
侯景冬十一月乙酉以尚書左僕射慕容紹宗為東南道
行臺與大都督高岳潘相樂大破禽之及其二子瑀道十
二月乙亥蕭明至帝御闔闔門讓而宥之岳等迴師討侯
景是歲高麗勿吉並遣使朝貢

六年春正月己亥大都督高岳等於渦陽大破侯景俘斬

五萬餘人其餘溺死於渦水水為不流景走淮南二月己卯梁遣使求和許之三月癸巳以太尉襄城王旭為大司馬以開府儀同三司高岳為太尉辛亥以及冬春亢旱赦罪人各有差夏四月甲子吏部令史張永和青州人崔閹等偽假人官事覺亂檢首者六萬餘人甲戌太尉高岳司徒韓軌大都督劉豐等討王思政於潁川引洧水灌其城九月乙酉梁人來聘冬十月戊申侯景濟江推梁臨賀王正德為主以攻建業是歲高麗遣使蠕蠕吐谷渾並遣使朝貢

七年春正月戊辰梁北徐州刺史中山侯蕭王表以鎮內附封蘭陵郡公吳郡王三月丁卯侯景剋建業夏五月景辰侯景殺梁武帝戊寅勃海王高澄帥師赴潁川六月剋之獲西魏大將軍王思政等秋八月辛卯立皇子長仁為太子盜殺勃海王高澄癸巳大赦內外百官並進二級甲午太原公高洋如晉陽冬十月癸未以開府儀同三司咸陽王坦為太傅甲午以開府儀同三司潘相樂為司空十二月甲辰吳郡王蕭正表薨己酉以并州刺史彭樂為司徒是歲蠕蠕地豆干室韋高麗吐谷渾並遣使朝貢

八年春正月辛酉帝為勃海王高澄舉哀於東堂戊辰詔太原公高洋嗣事徙封齊郡王甲戌地豆干契丹並遣使

朝貢二月庚寅以尚書令高隆之爲太保三月庚申進齊
郡王高洋爵爲齊王夏四月乙巳蠕蠕遣使朝貢五月甲
寅詔齊王爲相國總攝揆備九錫之禮以齊國太妃爲王
太后王妃爲王后景辰遜帝位於齊

天保元年己未封帝爲中山王邑一萬戶上書不稱臣答
不稱詔載天子旌旗行魏正朔乘五時副車封王諸子爲
縣公邑各一千戶奉絹一萬疋錢一萬貫粟二萬石奴婢
三百人水碾一具田百頃園一所於中山國立魏宗廟
二年十二月己酉中山王殂時年二十八

三年二月奉謚曰孝靜皇帝葬於鄴西漳北其後發之陵
崩死者六十人帝好文美容儀力能挾石師子以踰墻射
無不中嘉辰宴會多命群臣賦詩從容沉雅有孝文風勃
海王高澄嗣事甚忌焉以大將軍中兵叅軍崔季舒爲中
書黃門侍郎令監察動靜小大皆令季舒知澄與季舒書
曰癡人復何似癡勢小差未帝嘗與獵於鄴東馳逐如飛
監衛都督烏那羅受工伐從後呼帝曰天子莫走馬大將
軍怒澄嘗侍帝飲大舉觴曰臣澄勸陛下帝不悅曰自古
無不亡之國朕亦何用此活澄怒曰朕朕狗脚朕澄使季
舒毆帝三拳奮衣而出明日澄使季舒勞帝帝亦謝焉賜
絹季舒未敢受以啓澄澄使取一段帝束自足以與之曰

亦一段爾帝不堪息辱誅謝靈運詩曰韓亡子房奮秦帝
魯連取本自江海人志義動君子常侍侍講荀濟知帝意
乃與華山王大器元瑾密謀於宮中偽為山而作地道向
北城至千秋門門者覺地下響動以告澄澄勒兵入宮曰
陛下何意反耶臣父子功存社稷何負陛下耶及將殺諸
妃嬪帝正色曰王自欲反何關於我我尚不惜身何況妃
嬪澄下牀叩頭大啼謝罪於是酣飲夜久乃出居三日幽
帝於含章堂大器瑾等皆見烹於市及將禪位於文宣襄
城王和及司徒潘相樂侍中張亮黃門郎趙彥深等求入
奏事帝在昭陽殿見之相曰五行遞運有始有終齊王聖

德欽明萬姓歸仰臣等昧死聞奏願陛下則堯禪舜帝便
歛容答曰此事推挹已久謹當避避又云若尔須作詔書
侍郎崔劼裴讓之奏云詔已作訖即付楊愔進於帝凡十
條書訖曰將安朕何所復若為而去楊愔對曰在北城別
有館宇還備法駕依常仗衛而去帝乃下御座步就東廊
口誅范蔚宗後漢書贊云獻生不辰身播國屯終我四百
永作虞賓所司奏請發帝曰古人念遺簪弊履欲與六宮
別可乎高隆之曰今天下猶陛下之天下况在後宮乃與
美人嬪以下訣莫不欲歔掩涕嬪趙國李氏誦陳思王詩
云王其愛玉體俱享黃髮期皇后已下皆哭直長趙德以

故犢車一乘候於東上閤帝上車德超上車持帝帝肘之
曰朕畏天順人授位相國何物奴敢逼人趙德尚不下及
出雲龍門王公百僚衣冠拜辭帝曰今日不減常道鄉公
漢獻帝衆皆悲愴高隆之泣灑遂入北城下司馬子如南
宅及文宣行幸常以帝自隨帝后封太原公主常為帝嘗
食以護視焉競遇飢而崩

論曰莊帝運接交喪招納勤王雖時事孔棘而卒有四海
猾逆剪除權強擅命神慮獨斷芒刺未除而天未忘亂禍
不旋踵自茲之後魏室土崩始則制屈強胡終乃權歸霸
政主祭祀者不殊於寄坐遇黜辱者有甚於弈碁雖以節

閔之明孝武之長祗以速厄奔波文帝以剛強之質終以
守雌自寶靜恭運終天以高蹈唐虞各得其時也

魏本紀第五

北史五

周

已平

孫

輝然

校正



